



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1204. Usque Ad Annum 1230

**Fleury, Claude**

**August. Vind. [u.a.], 1763**

**VD18 90118030**

§. 4. Balduinus Imperator Constantinopolitanus.

---

[urn:nbn:de:hbz:466:1-66406](https://nbn-resolving.org/urn:nbn:de:hbz:466:1-66406)

## §. IV.

Sæcul. XIII.  
A. C. 1204.*Baldwinus Imperator Constantino-  
politanus.*

Constantinopoli capta, Crucigeri Electores duodecim sex Francos totidemque Venetos nominarunt, qui Imperatorem crearent. Franci sex Ecclesiastici Ordinis omnes erant, nempe Episcopi Suessionensis, Trecentis, Halberstadiensis, Bethlehemiticus, Acriensis & Abbas Lucensis \*. Hi itaque secunda de Lucé  
Dominica post Pascha Baldwinum Comitem Flandriæ elegerunt, eumque Dominica sequente, die decima septima Maji, anno millesimo ducentesimo quarto, solemni ritu in Ecclesia S. Sophia coronarunt, qui exinde assumtis titulis etiam cultu Græcorum Imperatorum insignis incesit. Annum ætatis numerabat trigessimum secundum, & vix ultra annos duos imperavit. Marchioni vero Montisferratensi, inter Barones post Baldwinum præcipuo, Regnum Thessalonicense in præmium cessit.

Baldwinus Imperator ad Innocentium Papam Epistolam dedit, in qua se Romanum Pontificis Equitem dicit, ac postquam Alexii Junioris malam fidem, Alexii Ducæ usurpationem, expugnationem urbis Constantinopolis, Electionem  
Gest. Innoc. n. 91.  
7. ep. 152.  
ap. Rainald. an. 1204. n. 6.  
suam

Sæcul. XIII. suam & coronationem narravit, profe-  
 A.C. 1204. quitur in hunc modum: *Aderant, cum  
 inaugurarer, multi Christiani, Terræ  
 sanctæ incolæ, tam viri Ecclesiastici, quam  
 Militares, qui letitiam majorem, quam  
 ceteri omnes, profitentes dicebant: me-  
 lius obsequium præstitum fuisse Deo, ca-  
 pta Constantinopoli, quam si Hierosoly-  
 ma denuo in potestatem Christianorum  
 fuisset redacta, cum jam Constantinopo-  
 lis Ecclesiæ Romanæ & Terræ sanctæ a-  
 mica sit, postquam tam diu utriusque  
 Adversaria potentissima extitisset. Hæc  
 enim urbs illa est, quæ sæpe cum Infide-  
 libus funesta Christianis fœdera iuit.  
 Illa est, quæ Saracenis arma, naves, com-  
 meatus suppeditabat. Contra vero res  
 omnibus Crucigerorum gentibus notissi-  
 ma est, quam perfide, quam atrociter La-  
 tinorum peregrinantium agmina habue-  
 rit. Illa est, inquam, quæ tam imma-  
 ni Sedis Apostolicæ odio flagrabat, ut ne  
 quidem Principis Apostolorum nomen æ-  
 quo animo audire posset, ejusque honori  
 nec unam saltem Ecclesiam apud Græcos  
 sacram esse voluerit, qui Primatum a  
 Domino in omnes Ecclesias accepit. Illa  
 est, quæ Jesum Christum in solis imagi-  
 nibus honorabat, & inter Cæremonias  
 sacrilegas, a se, Sacra Scriptura contemta,  
 inventas, plerumque Baptismum iterare  
 audebat. Illa omnes Latini Ritus homi-  
 nes,*

nes, non homines sed canes obscenos ap-  
pellare audiebatur; quin parum aberat,  
quin fundere Latinorum sanguinem, fa-  
cillus præmio dignum, prædicaret. Mo-  
nachi Constantinopolitani confitentibus,  
se Latinis hominibus vitam eripuisse,  
nullam injungebant pœnitentiam; licet  
enim hi monachi essent laici, nihilominus  
in opprobrium Presbyterorum tota li-  
gandi solvendique auctoritate abuteban-  
tur.

Sæcul. XIII.

A. C. 1204.

Hæc itaque Græcorum crimina &  
innumera alia Divina Justitia nostris  
manibus ulta est.

Balduinus deinde in hac Epistola fer-  
tilitatem & amœnitatem Regionis sub-  
actæ laudat & subjungit: Quare enixe  
rogamus te, Sancte Pater, Occidentis in-  
colas nobiles, ignobiles, omnis conditionis,  
& utriusque sexus excita, & Indul-  
gentiam Ecclesiasticam concede. Fac, ut  
hic locorum veras divitias temporales  
& æternasque arripiant. Inprimis viris  
Ecclesiasticis & Religiosis, cujuscunque  
sint Instituti, præcipe; populum sua præ-  
dicatione ad bellum sacrum suscipiendum  
commoveant, ipsique turmatim veniant  
in hæc loca, ac possideant provinciam  
commodissimam, & fructibus omnibus a-  
bundantem. Illud quoque ad Dei glo-  
riam, tuamque ac ad Ecclesiæ emolu-  
mentum facturum credimus, si Concilium

Sæcul. XIII. *Generale indicas, celebrandum Constan-*  
 A. C. 1204. *tinopoli, cui urbi honor obtigit, ut com-*  
*plura Concilia antiqua intra sua menia*  
*agi viderit. Quanta vero spes, quantum*  
*præsidium in te uno foret, si Conventum*  
*totius Ecclesiæ tua ipse præsentia con-*  
*firmares? ad aures quippe nostras perve-*  
*nit, quod nuper ad Concilium invitave-*  
*ris rebellem Græciam, nihil non acturus,*  
*quo eam ad unitatem Ecclesiæ compel-*  
*las. Favet occasio, sequere exemplum*  
*Antecessorum tuorum, Joannis, Agapi-*  
*ti, Leonis, aliorumque, qui Ecclesiam*  
*Constantinopolitanam ipsi inviserunt, &*  
*nisi illi, qui ista in Tabulariis vestris*  
*legisse se affirmant, nos fallunt, inve-*  
*nies, Pontifices ob causas minoris mo-*  
*menti, ac præsens est, huc venisse.*

*Godfr. an.* In fine Epistolæ Imperator testatur,  
*an. 1203.* mores Clericorum sacram militiam co-  
*Arnol. Lub.* mitantium hucusque laude dignos fuis-  
*6. c. 20.* se, atque Ducem Henricum Dandolum  
*Duchesn. to.* Venetosque Papæ commendat. Cete-  
*4. p. 278.* rum hæc Epistola Balduini Encyclica  
 erat, atque etiam ad Adolphum Archie-  
 piscopum Coloniensem, & generatim ad  
 omnes Fideles, iis quæ peculiariter ad  
 Papam spectabant omiffis, directæ.

*7. ep. 153.* Innocentius Papa Balduino Impera-  
*ap. Rainald.* tori respondit Epistola Romæ die septi-  
*1204. n. 20.* ma Novembris data, in qua dicit; se  
 acceptis ejus literis magno gaudio re-  
 focilla-

focillatum fuisse, quod Deus tanta prodigia ad Gloriam suam & Sedis Romanæ augmentum operatus fuerit. Promittit, se maxima sollicitudine curaturum, ut electi Imperatoris Dignitas conseruetur & augeatur. Et tandem hortatur, ut Ecclesiam Græcam atque Constantinopolitanum Imperium in obsequio Ecclesiæ Romanæ contineat. Die decima *ibid. ep. 154.* tertia ejusdem mensis Epistola ad Episcopos, Abbates, omnesque Clericos sacre militiæ, Constantinopoli degentes, ad omnem conatum adhibendum excitat, quo Græcos ad concordiam cum Latina Ecclesia permoverent. Quia vero Græcorum error maximus circa Processionem Spiritus Sancti versabatur, Papa hanc Quæstionem fufus tractat, & hoc argumento nititur; quod si Spiritus Sanctus a Filio non procederet, is minus amaret Filium quam Patrem, a quo procedit, & minus amaretur a Filio. Quæ res perfectæ æqualitati, quæ in divinis esse debet, repugnaret. In alia Epistola Papa suadet; Clericos Latinos Ecclesiis Constantinopolitanis, quas Græci deseruissent, præficerent, qui Officium divinum peragerent, & bona conservarent, omnes vero convenirent, Patriarcham electuri, a Papa vel ejus Legatis confirmandum. *7. ep. 164. ibid.*

Sæcul. XIII.  
A. G. 1204.

Balduinus Imperator Epistolam suam Fratri Barroque, olim ædibus ad Templarios pertinentibus in Longobardia Præfecto, commisit, adjecitque dona ingentia Papæ una cum Epistola reddenda, videlicet, carbunculum mille marcis argenti emtum, magni pretii annulum, rarissimi contextus velamenta quinque, singularis artificii aulæum ornando Altari aptum, & pro Templo duas Icones ab artifice Græco, opere encaustico, elaboratas, alteram tres marcas auri, alteram decem marcas argenti habentem, particulam de ligno vivificæ Crucis, multos lapides pretiosos & argenti marcas quinquaginta. Sed ecce tibi, cum Barrochius in portum Metonensem in Peloponeso \* invecus fuisset, duo cives Genuenses, septem triremium domini, dona omnia tam Papæ quam Templo destinata auferunt, ipso tum Papæ, tum Templariorum tum Balduini Imperatoris nomine nequicquam reclamante. Quod dispicimus ex Epistola Papæ, die quarta Novembris data, in qua Genuensibus præcipit, ut cives illos ad restituenda ablata compellant, aut Archiepiscopus fures contumaces excommunicet, & urbem Interdicto Ecclesiastico subiciat.

\* Morea.

7. ep. 124. ap.  
Rain. 1204.